

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা ৩৭/২০১৮-১৯

ঢাকা, রোবরার ২৬ আগস্ট ২০১৮, ১১ ভদ্র ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। বিশেষ বিসিএস'র মাধ্যমে ৭ হাজার চিকিৎসক নিয়োগ আগামী নভেম্বরে : স্বাস্থ্যমন্ত্রী
- ২। কর্ণফুলীতে টানেল নির্মাণকাজের এক-চতুর্থাংশ অগ্রগতি হয়েছে : সেতুমন্ত্রী
- ৩। লঞ্চগুলোতে কঠোর নজরদারি রয়েছে: নৌমন্ত্রী
- ৪। রাস্তা ও ভবনের আয়ুক্ষাল নির্ধারণের নির্দেশ প্রধানমন্ত্রীর কার্যালয়ের
- ৫। উন্নয়নের মহাসড়কে দেশ: তথ্য প্রতিমন্ত্রী
- ৬। রোহিঙ্গাদের জীবনরক্ষায় তাৎপর্যপূর্ণ অগ্রগতিতে বাংলাদেশের প্রশংসা জাতিসংঘের
- ৭। রোহিঙ্গাদের উন্নয়ন কাজে সম্পৃক্ত করতে ৮শ' কোটি টাকার প্রকল্প নিচে সরকার
- ৮। দেশের বিভিন্নস্থানে সড়ক দুর্ঘটনার কারণ তদন্তে কমিটি গঠন

চলমান পাতা

১। বিশেষ বিসিএস'র মাধ্যমে ৭ হাজার চিকিৎসক নিয়োগ আগামী নভেম্বরে : স্বাস্থ্যমন্ত্রী

স্বাস্থ্যমন্ত্রী মোহাম্মদ নাসিম জানিয়েছেন, সদ্য শেষ হওয়া বিশেষ বিসিএসে উত্তীর্ণ চিকিৎসকদের নিয়োগ প্রক্রিয়া আগামী অক্টোবর-নভেম্বরের মধ্যে শেষ হবে। তিনি বলেন, তরঙ্গ ডাক্তার নিয়োগের জন্য স্পেশাল বিসিএস নেওয়া হয়েছে। তাদের লিখিত পরীক্ষা হয়ে গেছে। দ্রুত ভাইভা ইহুণের মধ্য দিয়ে অক্টোবর ও নভেম্বরে ৭ হাজার চিকিৎসক নিয়োগ দেওয়া হবে। গতকাল (২৫ আগস্ট শনিবার) রাজধানীর শ্যামলীতে টিবি হাসপাতালে জাতীয় শোক দিবসের এক আলোচনাসভায় মন্ত্রী এসব কথা জানান। মন্ত্রী বলেন, নিয়োগ দেওয়ার পর এসব চিকিৎসককে তিন বছরের জন্য গ্রামে নিয়োগ করা হবে। অর্থাৎ নভেম্বরের মধ্যে গ্রামের মানুষ ৭ হাজার ডাক্তার পাবে। এছাড়া খুব শীত্রিং চিকিৎসা সুরক্ষা আইন মন্ত্রিসভায় উপস্থাপন করা হবে বলেও জানান তিনি। সূত্র-ইনকিলাব (পৃ.৪,ক.১), ইন্ডিফাক (পৃ.২,ক.৩), ডেইলি সান (পৃ.৩,ক.৬), ডেইলি স্টার (পৃ.৫,ক.১)।

২। কর্ণফুলীতে টানেল নির্মাণকাজের এক-চতুর্থাংশ অগ্রগতি হয়েছে : সেতুমন্ত্রী

সড়ক পরিবহন ও সেতুমন্ত্রী ওবায়দুল কাদের বলেন, গত বছরের নভেম্বরে শুরু হওয়া কর্ণফুলীতে টানেল নির্মাণকাজের এক-চতুর্থাংশ অগ্রগতি হয়েছে। আগামী অক্টোবরের শেষ সপ্তাহে হবে টানেল প্রকল্পের মূল বৌরিং কার্যক্রম। সেতুমন্ত্রী গতকাল (২৫ আগস্ট শনিবার) কর্ণফুলী নদীর তলদেশে টানেল নির্মাণকাজের অগ্রগতি পরিদর্শনশেষে সাংবাদিকদের একথা বলেন। কর্ণফুলি টানেলের উপ-প্রকল্প পরিচালক ড. অনুপম সাহা জানান, দুটি টিউবের ৩ দশমিক ৪ কিলোমিটার দীর্ঘ মূল টানেল হবে। টানেলের পশ্চিম ও পূর্ব প্রান্তে ৫ দশমিক ৩৫ কিলোমিটার অ্যাপ্রোচ রোড এবং ৭২৭ মিটার ওভারব্রিজ আনোয়ারা উপজেলাকে চট্টগ্রাম শহরের সঙ্গে সংযুক্ত করবে। এ প্রকল্পের ব্যয় ধরা হয়েছে ৮ হাজার ৪৪৬ কোটি ৬৪ লাখ টাকা। সূত্র-সমকাল (পৃ.২,ক.১) ইন্ডিফাক (পৃ.১,ক.৫), ডেইলি সান (শেষ পৃ.,ক.১), অবজারভার (পৃ.১,ক.১)।

৩। লঞ্চগুলোতে কঠোর নজরদারি রয়েছে : নৌমন্ত্রী

নৌ-পরিবহণমন্ত্রী শাজাহান খান বলেছেন, নাব্যতা সংকটে ফেরিতে কিছুটা সমস্যা হলেও দক্ষিণাঞ্চলের জেলাগুলো থেকে ছেড়ে আসা লঞ্চগুলোতে কঠোর নজরদারি রয়েছে, ফলে কোনো সমস্যা হবে না। ঘাটগুলোতে স্থানীয় প্রশাসন, বিআইডিইউটিএ, পুলিশ, র্যাবসহ আইনশৃঙ্খলাবাহিনী নিয়োজিত রয়েছে। ঢাকা থেকে যাত্রীরা যেভাবে নির্বিচ্ছিন্ন বাড়ি পৌঁছেছে একইভাবে তারা কাজে ফিরতে পারবেন। গতকাল (২৫ আগস্ট শনিবার) মাদারীপুরের শিবচরের কাঠালবাড়ি ফেরিঘাটে নৌ-পরিবহণমন্ত্রী শাজাহান খান এসব কথা বলেন। সূত্র-সংবাদ (পৃ.৪,ক.১), আমাদের অর্থনীতি (শেষ পৃ.,ক.৫)।

৪। রাস্তা ও ভবনের আয়ুক্ষাল নির্ধারণের নির্দেশ প্রধানমন্ত্রীর কার্যালয়ের

দেশের সকল সড়ক ও ভবনের লাইফটাইম বা আয়ুক্ষাল নির্ধারণের নির্দেশ দিয়েছে প্রধানমন্ত্রীর কার্যালয়। সড়ক বা ভবন যে মন্ত্রণালয়ের মাধ্যমে তৈরি হবে তাদেরই এ আয়ুক্ষাল নির্ধারণ করতে হবে। একইসঙ্গে রাস্তা, ভবন ও অন্যান্য স্থাপনা রক্ষণাবেক্ষণের জন্য বছরওয়ারি কী পরিমাণ বরাদ্দ থাকা প্রয়োজন সংশ্লিষ্ট মন্ত্রণালয়কে তা নির্ধারণেরও নির্দেশনা দেওয়া হয়েছে। সম্প্রতি প্রধানমন্ত্রীর কার্যালয় থেকে এক চিঠিতে সকল মন্ত্রণালয়ের সিনিয়র সচিব ও সচিবদের এ নির্দেশনা দেওয়া হয়েছে। সূত্র-সমকাল (শেষ পৃ.,ক.৫), নয়া দিগন্ত (শেষ পৃ.,ক.৫)।

৫। উন্নয়নের মহাসড়কে দেশ : তথ্য প্রতিমন্ত্রী

তথ্য প্রতিমন্ত্রী তারানা হালিম বলেছেন, বঙ্গবন্ধু শেখ মুজিবুর রহমান বাংলাদেশকে একটি মজবুত ভিত্তির ওপর দাঁড় করিয়েছিলেন। আর তাঁর কন্যা প্রধানমন্ত্রী শেখ হাসিনার নেতৃত্বে দেশ আজ উন্নয়নের মহাসড়কে। আজ নিজস্ব অর্থায়নে পদ্মা সেতু নির্মিত হচ্ছে। বঙ্গবন্ধু স্যাটেলাইট-১ মহাকাশে উৎক্ষেপণ করা হয়েছে। গতকাল (২৫ আগস্ট শনিবার) নাগরপুর উপজেলা প্রশাসনের সহযোগিতায় ও টাঙ্গাইল জেলা তথ্য অফিসের উদ্যোগে নাগরপুর সরকারি কলেজ মাঠে আয়োজিত মহিলা সমাবেশে প্রধান অতিথির বক্তব্যে তিনি এসব কথা বলেন। সূত্র-সমকাল (পৃ.৭,ক.৫) ভোরের কাগজ (পৃ.২,ক.১)।

৬। রোহিঙ্গাদের জীবনরক্ষায় তাৎপর্যপূর্ণ অগ্রগতিতে বাংলাদেশের প্রশংসা জাতিসংঘের

বাংলাদেশে আশ্রয় নেওয়া রোহিঙ্গাদের জীবনরক্ষায় তাৎপর্যপূর্ণ অগ্রগতি হয়েছে বলে মন্তব্য করেছে জাতিসংঘ। এ জন্য বাংলাদেশ সরকারের প্রশংসা করেছে সংস্থাটি। তবে জাতিসংঘ বলেছে, জরুরি ভিত্তিতে অর্থ সহায়তা না পেলে রোহিঙ্গাদের জীবন ফের ঝুঁকিতে পড়বে। রোহিঙ্গা সংকটের এক বছর পূর্তিতে জেনেভায় বিশ্ব স্বাস্থ্য সংস্থার ইমার্জেন্সি প্রিপেয়ার্ডনেস অ্যান্ড রেসপন্স বিভাগের উপমহাপরিচালক পেটার সালামা গণমাধ্যমকে এসব কথা বলেন। সালামা বলেন, কঞ্চিবাজারে মহামারী ছড়িয়ে পড়ার সব পরিস্থিতি বিদ্যমান থাকলেও সেটাকে সামাল দেওয়া সম্ভব হয়েছে। বাংলাদেশ সরকার, বিশ্ব স্বাস্থ্য সংস্থা ও সহযোগীদের সম্মিলিত প্রচেষ্টায় এটা সম্ভব হয়েছে। সূত্র-সমকাল (পৃ.২,ক.৫), ইভিপেনডেন্ট (পৃ.১,ক.১), অবজারভার (পৃ.২,ক.৫)।

৭। রোহিঙ্গাদের উন্নয়ন কাজে সম্পৃক্ত করতে ৮শ' কোটি টাকার প্রকল্প নিচে সরকার

বাংলাদেশে আশ্রয় নেয়া রোহিঙ্গাদের উন্নয়ন কাজে সম্পৃক্ত করতে ৮শ' কোটি টাকার প্রকল্প হাতে নিচে সরকার। প্রকল্প দলিলে বলা হচ্ছে, উত্তপ্তা, মাদক ব্যবসা, মাদকাসক্তি, মানবপাচার এবং শিশু ও নারী নির্যাতনের মতো কাজ থেকে দূরে রাখতে কর্মক্ষম রোহিঙ্গাদের অর্থপূর্ণ উৎপাদনশীল কাজে লাগানোই এ প্রকল্পের উদ্দেশ্য। প্রকল্পের খসড়া নিয়ে গত ৯ আগস্ট এক আন্তঃমন্ত্রণালয় সভা হয়। প্রকল্পে আর্থিক সহায়তা দেবে বিশ্বব্যাংক ও এশীয় উন্নয়ন ব্যাংক। প্রকল্পের আওতায় ৩০টি রোহিঙ্গা শিবিরের বিভিন্ন কর্মসূচিতে কাজ করবে রোহিঙ্গা। সূত্র-সংবাদ (পৃ.১,ক.৮) ভোরের কাগজ (শেষ পৃ.,ক.২)।

৮। দেশের বিভিন্নস্থানে সড়ক দুর্ঘটনার কারণ তদন্তে কমিটি গঠন

ঈদ-উল-আজহার আগে-পরে নরসিংহী, নাটোর, ফেনীসহ দেশের বিভিন্নস্থানে সড়ক দুর্ঘটনার কারণ তদন্তে দশ সদস্যের কমিটি গঠন করেছে সড়ক পরিবহণ ও মহাসড়ক বিভাগ। বিভাগের এক সংবাদ বিজ্ঞপ্তিতে বলা হয়, সড়ক পরিবহণ ও সেতুমন্ত্রী ওবায়দুল কাদেরের নির্দেশে গতকাল (২৫ আগস্ট শনিবার) এ তদন্ত কমিটি গঠন করা হয়। সড়ক বিভাগের অতিরিক্ত সচিব সফিকুল ইসলামকে কমিটির প্রধান করা হয়েছে। কমিটিকে আগামী দশদিনের মধ্যে তদন্ত প্রতিবেদন জমা দিতে বলা হয়েছে। সূত্র-জনকষ্ঠ (পৃ.১,ক.৫), ভোরের কাগজ (পৃ.১,ক.৮), ডেইলি স্টার (পৃ.১,ক.৬), ডেইলি সান (পৃ.১,ক.৬)।

সম্পাদকীয়

- ক. **জনকর্ত্তা:** প্রধানমন্ত্রীর সদিচ্ছা অনুযায়ী বঙ্গবাসীদের জন্য নির্মিত ফ্ল্যাটের মালিক যেন প্রকৃত বঙ্গবাসীরা হতে পারে তা নিশ্চিত করার আহ্বান।
- খ. **ইন্ডেফাক, জনকর্ত্তা :** ভিজিএফ কর্মসূচির চাল বিতরণে ব্যাপক অনিয়ম ও দুর্নীতিতে জড়িত জনপ্রতিনিধিদের দৃষ্টান্তমূলক শাস্তি দেওয়া প্রয়োজন যেন ভবিষ্যতে জনপ্রতিনিধিগণ তাদের দায়িত্ব ও কর্তব্য সম্পর্কে সচেতন হতে পারেন বলে অভিমত।
- গ. **সংবাদ:** চামড়াশিল্পের কাঞ্চিত বিকাশের স্বার্থে চামড়ার মানোন্নয়ন এবং কারখানার কমপ্লায়েন্স নিশ্চিত করার সুপারিশ।
- ঘ. **সমকাল, যুগান্তর, ইনকিলাব, যায়যায়দিন, ডেইলি সান, নিউ এজ :** কোরবানির পশুর চামড়ার দাম গত তিন দশকের মধ্যে সর্বনিম্ন হওয়ায় দরপতনের এ দায় অনেকের বলে উল্লেখ করে চামড়ার বাজার স্থিতিশীল হওয়ার প্রত্যাশা।
- ঙ. **বণিক বার্তা:** বেসরকারি আমেরিকা বাংলাদেশ ইউনিভার্সিটির শিক্ষার্থী-শিক্ষক ছাড়াই অবৈধ সনদ তৈরির ঘটনা তুলে ধরে বেসরকারি বিশ্ববিদ্যালয়ের বিভিন্ন অনিয়ম ঠেকাতে ইউজিসি'র তদারকি জোরদার করার সুপারিশ।
- চ. **ইডিপেনডেন্ট :** নারায়ণগঞ্জসহ দেশের বিভিন্ন অঞ্চলের শিল্প কারখানায় কর্মরত শিশু শ্রমিকদের কল্যাণে শিশু অধিকার রক্ষায় সরকার, সুশীল সমাজ ও এনজিওদের সম্মিলিতভাবে কাজ করার সুপারিশ।
- ছ. **ডেইলি সান, নিউ এজ, যায়যায়দিন, যুগান্তর, ভোরের কাগজ, সংবাদ :** রোহিঙ্গা সংকটের এক বছর পূর্ণ হওয়ায় রোহিঙ্গা প্রত্যাবাসন দ্রুত ও শান্তিপূর্ণ করতে বিশ্বের জোরালো ভূমিকা দরকার বলে অভিমত।
- জ. **ডেইলি স্টার:** কোরবানীর পশুর বর্জ্য অপসারণে সিটি করপোরেশনের কাজের সাফল্যে অভিনন্দন জানিয়ে ঢাকা শহর পরিচ্ছন্ন রাখতে কাজের এ ধারা অব্যাহত রাখার প্রত্যাশা।
- ঝ. **অবজারভার:** স্বর্ণ চোরাচালানের সাথে জড়িতদের বিরুদ্ধে সংশ্লিষ্ট কর্তৃপক্ষকে কঠোর আইনি পদক্ষেপ নেওয়ার সুপারিশ।

উপসম্পাদকীয়

যায়যায়দিন পত্রিকায় প্রকাশিত কলামে উল্লেখ করা হয়েছে, আধুনিক ও বাসযোগ্য শহর হিসেবে ঢাকাকে গড়তে বিশদ অঞ্চল পরিকল্পনা বা ‘ড্যাপ’ এর দ্রুত বাস্তবায়ন প্রয়োজন।

নিবন্ধ ও ফিচার

সংবাদ পত্রিকায় প্রকাশিত ‘স্কুলগামী হচ্ছে গ্রামীণ কল্যাণিক্ষণ’ শিরোনামের নিবন্ধে অভিমত প্রকাশ করা হয়েছে, বিনামূল্যে বই বিতরণ এবং উপবৃত্তির সুফলে দারিদ্র শিশুরাও এখন নিশ্চিতে বিদ্যালয়ে লেখাপড়া করতে পারছে-যা সরকারের এক যুগান্তকারী সাফল্য।

#